

**Bosna i Hercegovina**  
**Federacija Bosne i Hercegovine**  
**Kanton Sarajevo**  
**Vlada**

Na osnovu čl. 22. i 24. stav 2. Zakona o Vladi Kantona Sarajevo ("Službene novine Kantona Sarajevo", broj 24/03 -Prečišćeni tekst), Vlada Kantona Sarajevo, na 30. sjednici održanoj 5. novembra 2009. godine, donijela je

**ODLUKU**  
**O INTERNET I INTRANET PORTALU KANTONA SARAJEVO<sup>1</sup>**

**I.**

Ovom Odlukom se utvrđuje sadržaj i način ažuriranja sadržaja internet i intranet stranica portala Kantona u cilju pravovremene i tačne objave informacija i drugog sadržaja putem unosa informacija bliže izvoru informacije.

**Ia**

Ovom Odlukom se utvrđuje obavezan unos sadržaja na stranicama Skupštine, Vlade i organa uprave i to su:

- akti Vlade i Skupštine,
- godišnji budžet i izvještaj o izvršenju budžeta,
- godišnji izvještaj o radu i izvještaj o finansijskom poslovanju organa,
- propisi iz vlastite nadležnosti koje donosi organ ili Vlada odnosno Skupština na prijedlog organa,
- publikacije i bilteni koje izdaju,
- konkursi i javni pozivi koje provode,
- zahtjevi i obrasci koje imaju,
- plan javnih nabavki i postupak i realizacija nabavki,
- administrativni postupci organa,
- javni registri koje vode,
- spiskovi, kontakti i mapa organizacija u nadležnosti organa,
- često postavljana pitanja i odgovori na njih.

**II.**

Za ažuriranje sadržaja internet i intranet portala Kantona postoje korisnici u tri nivoa, i to:

- administratori na nivou Kantona,
- korisnici u okviru stranica kantonalnih organa uprave, stručnih službi i upravnih organizacija, te Skupštine,
- korisnici u okviru pojedinih dijelova stranice (npr. sektora ili službi).

**III.**

Administratorski nivo na nivou Kantona ima sva prava u okviru portala što podrazumijeva:

- kreiranje novih stranica za kantonalne organe uprave, stručne službe i upravne organizacije, odnosno njihove organizacione dijelove,
- kreiranje korisničkih računata i određivanje prava unosa za iste po nalogu rukovodioca organa,
- kreiranje svih vrsta sadržaja na cjelokupnoj stranici Vlade i Skupštine, te intraneta.

Na ovom nivou postoje korisnički računata za ovlaštene državne službenike i namještenike (u daljnjem tekstu: zaposlenici) Zavoda za informatiku i statistiku Kantona Sarajevo (u daljnjem tekstu: Zavod).

1 Ovaj integralni tekst sadrži tekst Odluke o internet i intranet portalu Kantona Sarajevo ("Sl. novine Kantona Sarajevo", broj 31/09) i Odluke o dopunama Odluke o internet i intranet portalu Kantona Sarajevo ("Sl. novine Kantona Sarajevo", broj 34/17)

#### IV.

Korisnici u okviru stranica kantonálnih organa uprave, stručnih službi i upravnih organizacija, te Skupštine, imaju prava promjene sadržaja na vlastitim stranicama što podrazumijeva sljedeće:

- kreiranje sadržaja na nivou svoje cjelokupne stranice, kao i za njene podstranice,
- brisanje sadržaja svoje cjelokupne stranice, uključujući podstranice,
- uređivanje sadržaja svoje cjelokupne stranice i sadržaja podstranica.

Vrste sadržaja koji se može ažurirati na ovom nivou:

- novosti iz ministarstava,
- obavještenja,
- javne rasprave,
- konkursi,
- projekti,
- nabavke,
- publikacije i bilteni,
- zahtjevi i obrasci,
- propisi,
- često postavljana pitanja,
- godišnji program rada i izvještaj o radu,
- spiskovi, kontakti i mapa organizacija u nadležnosti organa,
- administrativni postupci organa
- posebni sadržaj.

Lista vrste sadržaja nije konačna. Svaki organ može podnijeti zahtjev za omogućavanje unosa sadržaja specifičnog za njegov rad.

Posebno, pristup unosu na stranice Vlade imaju korisnici iz Press službe koja unosi informacije u vezi sa radom Vlade:

- novosti iz Vlade,
- najave događaja,
- obavještenja,
- ankete,
- intervjui,
- izvod iz štampe,
- izjave.

Pristup unosu na stranicu Skupštine imaju korisnici iz Stručne služba za skupštinske poslove koja unosi, briše i uređuje sljedeće informacije u vezi sa radom Skupštine:

- najave sjednica sa dnevnim redom i materijalima,
- zapisnik i zaključci sa sjednica.

Posebno, pristup unosu na stranicu Skupštine imaju i korisnici iz Press službe koja unosi, briše i uređuje sljedeće informacije u vezi sa radom Skupštine:

- novosti,
- najave događaja.

#### V.

Korisnici u okviru pojedinih dijelova stranice imaju prava na podstranicama npr. stranicama sektora ili službi, što podrazumijeva sljedeće:

- kreiranje sadržaja na nivou podstranica,
- brisanje vlastitog sadržaja,
- uređivanje vlastitog sadržaja.

Vrste sadržaja koji se mogu ažurirati na ovom nivou su iste kao iz tačke IV.

Na osnovu odluke rukovodioca organa, koju donosi po potrebi, može postojati po jedan ovakav račun za ovlaštenu osobu u organu za pojedine podstranice, npr. sektore ili službe.

Posebno, pristup unosu na podstranicu Vlade ima korisnik Stručna služba Vlade Kantona koja unosi i ažurira:

- zaključke sa sjednica Vlade.

#### VI.

Korisnici će po potrebi ažurirati intranet stranicu sa internim informacijama prema zaposlenicima.

- Posebno, pored Zavoda pristup unosu imaju:  
Stručna služba Vlade Kantona,

VII.

Rukovodioci organa će odrediti najmanje jednu ovlaštenu osobu u organu za ažuriranje u okviru stranica kantonalnih organa uprave, stručnih službi i upravnih organizacija, odnosno Skupštine, kojoj će Zavod za informatiku i statistiku Kantona Sarajevo dodijeliti korisnički račun sa potrebnim pravima.

Rukovodioci organa će po potrebi odrediti dodatne ovlaštene osobe za ažuriranje u okviru pojedinih dijelova stranice (npr. sektora ili službi) i intraneta.

VIII.

Rukovodioci organa će u cilju poboljšanja ažurnosti osigurati direktni unos informacija od strane vlasnika ili aktera informacije gdje god je to moguće.

VIIIa

Sve objave će se uskladiti sa Zakonom o zaštiti ličnih podataka ("Službeni glasnik BiH", br. 49/06, 76/11 i 89/11)."

IX.

Zadužuje se Zavod za informatiku i statistiku Kantona Sarajevo da izvrši obuku korisnika sistema za upravljanjem sadržajem internet i intranet stranica, da prati njihov rad i pruža podršku po potrebi.

X.

Korisnici sistema će slijediti uputstva Zavoda za informatiku i statistiku Kantona Sarajevo u vezi sa prilagodbom postavljenog sadržaja u cilju konzistentnog vizuelnog prikaza i optimizacije materijala za preuzimanje.

Posebno će se voditi računa o postavljanju izvornog, pretraživog, sadržaja.

Postavljeni sadržaj se neće brisati, nego će činiti arhivu objavljenog sadržaja dostupnu putem pretrage.

XI.

Ova Odluka stupa na snagu 30 dana od dana usvajanja, a objavit će se u "Službenim novinama Kantona Sarajevo", na zvaničnoj internet stranici i na oglasnoj tabli Kantona.

Broj 02-05-25465-9.2/09

5. novembra 2009. godine, Sarajevo

Premijer Besim Mehmedić, s. r.